



**Untuk Siaran Segera
30 Ogos 2024**

ASM 2 WAWASAN ISYTIHAR PENGAGIHAN PENDAPATAN SEBANYAK RM1.13 BILION

Pengagihan pendapatan sebanyak 4.75 sen memanfaatkan lebih daripada 939,000 pemegang unit

- Amanah Saham Nasional Berhad (ASNB), syarikat pengurusan unit amanah milik penuh Permodalan Nasional Berhad (PNB), hari ini mengumumkan pengagihan pendapatan untuk dana harga tetapnya, Amanah Saham Malaysia 2 - Wawasan (ASM 2 Wawasan) bagi tahun kewangan berakhir 31 Ogos 2024.
- ASM 2 Wawasan mengisytiharkan pembayaran pengagihan pendapatan berjumlah RM1.13 bilion yang memanfaatkan 939,200 pemegang unit. Sehingga 26 Ogos 2024, ASM 2 Wawasan mencatatkan pendapatan bersih terealisasi sebanyak RM1.27 bilion.
- Pengagihan pendapatan sebanyak 4.75 sen seunit berada pada 204 mata asas mengatasi penanda aras pulangan Deposit Tetap 12 Bulan Maybank iaitu sebanyak 2.71% bagi tempoh yang sama.

Kuala Lumpur, 30 Ogos 2024: Amanah Saham Nasional Berhad (ASNB), syarikat pengurusan unit amanah milik penuh Permodalan Nasional Berhad (PNB), hari ini mengumumkan pengagihan pendapatan untuk dana harga tetapnya, Amanah Saham Malaysia 2 – Wawasan (ASM 2 Wawasan) bagi tahun kewangan berakhir 31 Ogos 2024.

ASM 2 Wawasan mengisytiharkan pembayaran pengagihan pendapatan berjumlah RM1.13 bilion, yang akan memanfaatkan 939,200 pemegang unit. Agihan pendapatan ASM 2 Wawasan adalah bersamaan dengan jumlah pulangan sebanyak 4.75%, mengatasi penanda aras Deposit Tetap 12 Bulan Maybank yang berada pada paras 2.71% sebanyak 204 mata asas.

Sehingga 26 Ogos 2024, dana tersebut memperoleh jumlah pendapatan kasar sebanyak RM1.54 bilion dan mencatatkan pendapatan bersih terealisasi sebanyak RM1.27 bilion. Pendapatan untuk ASM 2 Wawasan diperolehi daripada keuntungan modal, pendapatan dividen serta pendapatan-pendapatan lain daripada pelaburan domestik dan antarabangsa. Pendapatan daripada ekuiti kekal sebagai penyumbang utama dengan pelaburan antarabangsa dan domestik masing-masing menyumbang 48.0% dan 40.6% kepada pendapatan kasar dana. Dana tersebut juga telah mendapat manfaat daripada kepelbagaian portfolio dalam

kelas-kelas aset lain, terutamanya Hartanah dan Ekuiti Persendirian yang mewakili 8.6% daripada jumlah Net Aset Bersih (NAB).

Pengiraan pengagihan pendapatan untuk ASM 2 Wawasan adalah berdasarkan purata baki bulanan minimum yang dipegang sepanjang tahun kewangan bagi dana tersebut. Pengagihan yang diisytiharkan oleh ASM 2 Wawasan akan dilaburkan semula secara automatik sebagai unit tambahan ke dalam akaun pemegang unit pada 1 September 2024.

Urus niaga ASM 2 Wawasan di semua cawangan dan ejen ASNB termasuk semua platform digital dan perbankan internet telah ditangguhkan buat sementara waktu dari 30 hingga 31 Ogos 2024. Pemegang unit boleh melakukan semula urus niaga di portal myASNBS (www.myasnb.com.my), melalui aplikasi mudah alih myASNBS pada 1 September 2024, manakala di mana-mana cawangan atau ejen ASNB di seluruh negara bermula 2 September 2024.

-Tamat-

Mengenai Permodalan Nasional Berhad (PNB)

Permodalan Nasional Berhad (PNB) adalah syarikat pengurusan dana terbesar di Malaysia dengan aset di bawah pengurusan (AUM) kini melebihi RM300 bilion. Portfolio PNB merangkumi pelaburan strategik dalam syarikat-syarikat korporat terkemuka Malaysia, ekuiti global, pelaburan persendirian dan hartanah. Selama lebih empat dekad, kami kekal fokus dalam menyumbang kepada kekayaan Bumiputera dan semua rakyat Malaysia dan berdedikasi untuk memenuhi matlamat kami mengukuhkan kedudukan kewangan rakyat, merentas generasi. Kami komited terhadap kemampuan, amalan bertanggungjawab dan penciptaan masa depan inklusif yang memberi manfaat kepada pihak berkepentingan kami dan komuniti yang disantuni. Untuk maklumat lanjut, sila layari www.pnb.com.my

Amanah Saham Nasional Berhad (ASNBS)

Amanah Saham Nasional Berhad (ASNBS) adalah syarikat pengurusan unit amanah PNB dengan 32 pejabat cawangan dan lebih 2,600 cawangan ejen seluruh negara yang terdiri daripada Affin Bank, AmBank, Alliance Bank, Bank Islam, Bank Muamalat, Bank Simpanan Nasional, CIMB Bank, Hong Leong Bank, Maybank, RHB Bank dan Pos Malaysia. ASNBS kini menguruskan 18 dana unit amanah dengan unit dalam edaran (UIC) kira-kira 280 bilion unit daripada lebih 15 juta akaun. Untuk maklumat lanjut, sila layari www.asnb.com.my atau hubungi Pusat Khidmat Pelanggan ASNBS di talian 03-7730 8899.

Amanah Saham Malaysia 2 - Wawasan (ASM 2 Wawasan)

ASM 2 Wawasan (dahulunya dikenali sebagai Amanah Saham Wawasan 2020) merupakan unit amanah harga tetap yang dilancarkan pada 28 Ogos 1996. Ia adalah dana aset campuran/pendapatan sesuai untuk pelabur yang memahami hubungan kait antara risiko dan pulangan pelaburan serta mengharapkan manfaat daripada pertumbuhan jangka panjang hasil pelaburan semula pengagihan pendapatan (sekiranya ada) serta untuk menerima pendapatan (sekiranya ada) ke atas pelaburan mereka.

Dikeluarkan oleh Permodalan Nasional Berhad

Pengagihan Pendapatan

Tahun Kewangan Berakhir 31 Ogos 2024
Dana Harga Tetap



ASM 2 Wawasan

Pengagihan
pendapatan

4.75 sen
seunit

Jumlah pembayaran
pengagihan

RM1.13 bilion

Jumlah
pemegang unit

939,200

Prospektus Induk ASNB bertarikh 1 Februari 2020, Prospektus Induk Tambahan Pertama bertarikh 20 Oktober 2021, Prospektus Induk Tambahan Kedua bertarikh 1 April 2023, Prospektus Induk Tambahan Ketiga bertarikh 1 Disember 2023, Prospektus ASN Imbang (Mixed Asset Balanced) 3 Global bertarikh 16 September 2020, Prospektus Tambahan Pertama ASN Imbang (Mixed Asset Balanced) 3 Global bertarikh 20 Oktober 2021, Prospektus Tambahan Kedua ASN Imbang (Mixed Asset Balanced) 3 Global bertarikh 1 April 2023, Prospektus Tambahan Ketiga ASN Imbang (Mixed Asset Balanced) 3 Global bertarikh 1 Disember 2023, Prospektus ASN Equity Global bertarikh 1 September 2021, Prospektus Tambahan Pertama ASN Equity Global bertarikh 1 April 2023, Prospektus Tambahan Kedua ASN Equity Global bertarikh 1 Disember 2023, Prospektus ASN Sukuk bertarikh 25 November 2022 dan Prospektus Tambahan Pertama ASN Sukuk bertarikh 1 April 2023 ("Prospektus"), telah didaftarkan dengan Suruhanjaya Sekuriti Malaysia ("SC"). Sila baca dan fahami kandungan Prospektus tersebut bersama Halaman Serlahan Produk yang terdapat di laman sesawang (www.asnb.com.my) cawangan dan ejen ASNB. Unit akan diterbitkan setelah penerimaan borang pendaftaran yang merujuk dan mengiringi Prospektus tersebut. Sebelum melabur, sila pertimbangkan risiko pelaburan serta yuran dan caj yang dikenakan. Harga unit dan pengagihan pendapatan, jika ada, mungkin turun dan/atau naik. Prestasi tabung masa lalu bukan jaminan prestasi masa hadapan.